



Hoërskool McLachlan

Posbus 3
Joubertina
6410

042-9402775
info@hsmclachlan.co.za
www.hsmclachlan.co.za

NUUSBRIEF 26/01 2023

Geagte Ouers/Voogde

1. **Skool Gesluit:**

Op Woensdag, 1 Februarie, sal daar geen skool wees nie, a.g.v. die LS Koukamma-atletiekbyeenkoms wat by ons sportveld gehou word.

2. **Klerebank:**

Tye vir klerebank is as volg: Dinsdae en Donderdae: 14:30 – 15:00
Alle aankope is streng kontant. **GEEN verkope sal gedurende ander dae en tye plaasvind nie.**

3. **Administratiewe reëlings:**

Ek doen 'n vriendelike, dog ernstige beroep vir die volgende:

- **Geen ouer/voog sal toegelaat word om gedurende skoolure net by onderwysers se klasse op te daag, sonder 'n afspraak nie.** Ouers/voogde moet die skoolsekretaresse kontak en sy sal u besonderhede aan die betrokke onderwysers deurgee om 'n afspraak met u te maak.
- **Geen pakkies wat by ontvangs afgelewer word, sal gedurende klastyd deur die sekretaresse aan u kind besorg word nie.** Pakkies moet asseblief duidelik gemerk wees met u kind se naam en graad op. Die vakonderwyser sal dit gedurende pouse kry en na pouse aan die kind besorg.

4. **ATKV-redenaars:**

Die temas waaruit onderwerpe afgelei moet word vir 2023 is die volgende:

Graad 1 tot 3: Kleur ; Speel ; Klein
Graad 4 tot 5: Flits ; Luister ; Klank
Graad 6 tot 7: Tradisie, Reis ; Wedren
Graad 8 tot 9: Kruispad ; Angel ; Hutsmerk
Graad 10 tot 12: Inklusief ; Bemagtig ; Ideologie

5. **Finansies:**

• **SKOOLGELD**

- Skoolgeld beloop **R1 200,00 per maand vir 10 maande**, betaalbaar vanaf Februarie tot November. (Totaal van **R12 000,00 per jaar**)
- Geen glyskaal vir aantal kinders
- Korting vir **aftrekorder** = 6,5% = **R935,00** per maand. Betaalbaar vanaf Januarie tot Desember.
- **Jaarliks vooruit** 10% korting = **R10 800,00** (voor 31 Jan 2023)
- Glyskaal gegrond op gesamentlike bruto-inkomste van beide ouers.



Aftrekorders: Indien ouers van die opsie gebruik wil maak, moet hulle asseblief die reëling met hul bank tref, en 'n afskrif aan die skool voorsien.

Die skoolfonds is betaalbaar vanaf Februarie tot November 2023. Die eerste skoolfondsrekening vir 2023 sal aan die einde van Februarie beskikbaar wees. Ons versoek ouers vriendelik om rekenings per EFT te vereffen, aangesien ABSA nie meer 'n tak op Joubertina het nie, en kontant 'n probleem raak. Indien ouers nie oor 'n EFT-fasiliteit beskik nie, kan die skoolfonds wel kontant betaal word.

Dit is ouers se eie verantwoordelikheid om aansoek te doen vir verminderde skoolfonds. Vorms is by beskikbaar my mev. Mattheus. **Dit moet voor die 15de Februarie ingehandig wees.**

- **BUSGELD** (per kwartaal):

Daaglikse roete

Misgund	R2 440
Louterwater	R2 180
Krakeel	R1 920

Busgeld vir die eerste kwartaal is betaalbaar teen 31 Januarie 2023. Busgeld is vooruit-betaalbaar en indien dit nie betaal is nie, mag die betrokke leerder nie verder van die busdiens gebruik maak nie.

- Kopieerkoste:

Die kopieerkoste is R550 per leerder per jaar en moet teen 31 Maart 2023 ten volle vereffen wees. Die huur van die fotostaatmasjiene, aankoop van papier en ink plaas 'n groot finansiële las op die skool, dus is elke ouer se bydrae van uiterse belang. Die leerders van HS McLachlan ontvang kwaliteit onderrig en daarvoor is ouers se konstante bydrae baie belangrik.

- Ons versoek ouers wat skoolfonds per EFT of by die OTM betaal, om u kind se naam en van op die verwysing te sit, en die betalingsbewys na mev. Mattheus by admin@hsmclachlan.co.za te stuur. Skoolfonds en ander betalings kan nog steeds by die skool gedoen word, indien u nie van bogenoemde metodes gebruik wil maak nie.

Bankbesonderhede:	Bestuursliggaam HS McLachlan
	ABSA Rekeningnommer: 1970 430047
	Tipe rekening: Tjek
	Takkode: 334415
	Verwysing: Kind se naam en van

6. **Sluitkassies:**

Sluitkassies vir 2023 is teen R350 per jaar beskikbaar. Aansoeke kan by mev. Van der Mescht afgehaal word.

7. **Landsdiens:**

Die komitee het 'n propvol program vir 2023 beplan. Registrasievorms is by mev. Van der Mescht beskikbaar en registrasie sluit op 28 Februarie.

Ten bate van kanker kan die leerders op 3 Februarie met plakkies skool toe kom as hulle R10 betaal.



8. Sport:

- Kleuresport: Vrydag, 27 Januarie 2023, vanaf 14:00 tot 20:30 ; Saterdag, 28 Januarie, vanaf 07:00 tot 12:00:

Die program van die kleuresportbyeenkoms is reeds Maandag aan die leerders gegee.

Slegs atlete wat aan die middag-/aandbyeenkoms deelneem, mag op Vrydag, 27 Januarie, in sportdrag skool toe kom. Roetebusse vertrek normale tyd om 12:40. 'n Addisionele roetebus sal na afloop van die byeenkoms ($\pm 20:30$) beskikbaar wees om atlete huis toe te neem.

Neem asseblief kennis dat Vrydag se program nie volgens tyd sal verloop nie a.g.v. beurtkrag. Daar kan verwag word dat items vroeër gaan plaasvind, aangesien daar nie vir alle items inskrywings ontvang is nie. Atlete moet ± 1 uur voor die item se tyd op die program beskikbaar wees en sal uitgeroep word. Dit sal verseker dat ons nie te laat klaarmaak nie.

As daar 'n baan- en velditem is wat bots, kry die baanitem voorkeur.

Op Saterdag, 28 Januarie, tree die kleurspanne om 06:30 onderskeidelik op die volgende plekke aan: geel – boonste koshuis in De Waalstraat en rooi – voor skool in PJ Retiefstraat, waarna die optog na die sportgronde plaasvind. Die byeenkoms begin stiptelik om 07:30 en sal teen 12:00 afgehandel wees. Die roetebus vertrek Saterdag, 22 Januarie, om 06:00 vanaf Misgund en sal na afloop van die byeenkoms ($\pm 12:00$) weer vertrek. Die busse is slegs vir McLachlan-leerders. Atlete kry voorkeur.

<u>Bustye:</u>	Misgund:	05:45
	Louterwater:	06:00
	Krakeel:	06:15

- Leerders moet in die korrekte sportdrag geklee wees.
- Daar sal 'n snoepie beskikbaar wees.
- Maak seker dat u kind met sonskerm gesmeer is of pak dit in.
- Sorg dat u kind genoeg drinkwater of eetgoed vir die lang dag het.
- Pak persoonlike besittings in 'n sak wat u kind self kan oppas.

Ouers en ander ondersteuners is welkom om op die sementpawiljoen die dag saam met ons te kom geniet.

- Aangepaste dagprogram ter voorbereiding van SOK: Maandag, 30 Januarie tot Vrydag, 3 Februarie:

Op onderstaande datums vind sportoefening gedurende skoolure plaas. Leerders kom in korrekte sportklere, soos hieronder uiteengesit, skool toe. Daar gaan op 'n Dinsdag- en Donderdagmiddag ook atletiekoefening vir alle atlete (HS en LS) plaasvind.

Maandag:	30 Januarie	Gr. 7 tot 12
Dinsdag:	31 Januarie	Gr. 3 tot 7
Donderdag:	2 Februarie	Gr. 3 tot 7

Die volgende kleredrag is verpligtend vir die betrokke dae.


- Swart kortbroek/McL-maroen sweetpakbroek/swart sweetpakbroek
- McL oefenhemp/wit ongedrukte T-hemp/McL-atletiekfrokkie/ rooi of geel T-hemp
- Tekkies en wit sokkies/kaalvoet



- **LS-Koukamma-byeenkoms: Woensdag, 1 Februarie te HS McLachlan:**
Die LS-Koukammabyeenkoms vind op Woensdag, 1 Februarie te HS McLachlan plaas. Besonderhede sal aan atlete deurgegee word.
- **Tennis:**
Hoërskool-dogterstennisliga begin Dinsdag, 31 Januarie, met 'n wegwedstryd teen Hoërskool Kirkwood.

Hoërskool-seunstennisliga begin Donderdag, 2 Februarie, en ons sou teen GLA gespeel het. Wedstryd is uitgestel tot 9 Maart.

Tennisoefening vind plaas op Maandag, 30 Januarie vanaf 15:45 – 16:45.
- **Krieket:**
Maandag, 30 Januarie is daar krieketoefening vir alle hoërskoolleerders vanaf 14:30 – 15:30.



C.J. STUURMAN
Skoolhoof: Hoërskool McLachlan



McLachlan Internet Fasiliteit